




左氏

十九下  
二十

文

服部文庫  
イ17  
207  
12





117  
207  
12



傳註疏卷第十九下

文十一年  
盡十五年

晉杜氏註

唐孔穎達疏

經十有一年春楚子伐麇

討前年逃厥貉會  
倫反麇九

夏叔仲彭生會晉卻缺于承筐

邑縣西彭生叔仲惠伯卻缺冀缺  
叔仲彭生叔又  
作州本或作叔彭

生仲衍字  
缺丘悅反

秋曹伯來朝

公子遂如宋

并

春秋左

卷十九

及古



春秋左傳卷之九

狄侵齊

音咸

冬十月甲午叔孫得臣敗狄于鹹

傳十一年春楚子伐麋成大心敗麋師於防渚

于錫穴錫穴麋地○復扶又反錫音

伯會晉卻缺于承筐謀諸侯之從於楚者

鄭及楚平十年宋聽楚命○秋曹文公來朝即位而

來見也見賢○襄仲聘于宋且言司城蕩意諸而

復之八年意諸來奔歸不書史失之

錫恐錫

竟

義曰諸侯之卿出奔而復歸者宋華元衛孫林父之徒皆書其歸則蕩意諸之歸亦當書之服虔云反不書者施而不德衛冀隆亦同服義而難杜云襄二十九年樂氏施而不德春秋所善不書意諸之歸則是施而不德且經所不書傳即發文史失之即不書日史失之類是也此既無傳何知史失杜必以為為史失者案衛侯鄭之歸于衛也僖公納賂而請之衛侯朔之入于衛也莊公與師而納之歸邾子益于邾自我而歸之皆受魯施並書於經何獨意諸施而不德若意諸施而不德彼何故施而德之春秋公侯大夫失位出奔得人而力而反者多矣若皆施而不德不應赴告諸侯魯以不書為是則書者為非何以無貶責之文定人之謂禮存亡之謂義未有禮義在可諱之意故杜以為史官失之故不書於策

**因賀楚師之不害也**往年楚次厥貉將以伐宋○鄭瞞侵齊鄭瞞狄國名防風之後漆姓○鄭所求反說文鄭云北方長狄



國也在夏為防風氏殷為汪芒氏字  
 林鄒一音先牢反瞞莫干反漆音七  
 狄是北夷大號鄭瞞是其國名魯語云  
 稽獲骨節專車吳子使來聘問之仲尼  
 執骨而問曰敢問骨何為大仲尼曰昔  
 會稽之山防風氏後至禹殺而戮之其  
 為大矣客曰防風氏何守仲尼曰汪芒  
 鶡之山者也為漆姓在虞夏商為汪芒  
 狄氏今日曰大人客曰人長之極幾何  
 長三尺短之至也長者不過十之數之  
 狄狄之後故以國語為說服云伐我不  
 書諱之  
**遂伐**  
 我公卜使叔孫得臣追之吉侯叔夏御莊叔  
 得臣  
 雅反  
 縣房甥為右富父終甥駟乘  
 駟乘四  
 人共車  
 註及下皆同  
 冬十月甲午敗狄于鹹獲長

狄僑如

僑如鄭瞞國之君蓋長三丈獲僑如不書

賤夷狄也

僑本作為其驕反  
 長如字又直亮反  
 正義曰經書敗狄

于鹹即是敗一國也敗其國而獲此人傳不言是其  
 將帥知是其國之君也穀梁傳曰長狄瓦石不能害  
 叔孫得臣最善射者射其目身橫九畝斷其首而載  
 之箭見於軾何休云蓋長百尺魯語仲尼所云此十  
 倍雋僥氏之長者故云蓋長三丈魯語言不過十之  
 是疑之言故云蓋也宣十五年晉師滅赤狄潞氏以  
 潞子嬰兒歸彼獲嬰兒歸書之此獲僑如不書者潞  
 國大其君貴故書之此國小僑如賤不書賤夷狄也  
**富父終甥** 搯其喉以戈殺之  
 搯猶衝也  
 反喉音侯  
 戈古  
 搯其喉以戈殺之  
 正義曰考工記戈之長  
 禾反  
 六尺六寸耳得及長狄之喉者兵車之法皆  
 三人共乘魯宋與長狄之戰車皆四乘  
 埋其首於子  
 收其乘必長其兵謂之戈蓋形如戈也



駒之門

**國**

子駒魯郭門骨節非常恐後世恠之故詳

其處

○處昌呂反

以命宣伯

**國**

得臣待事而名其三子因

各宜伯曰僑如以旌其功

○名如字或亡政反

**國**

得臣至其

襄三十年傳說此事云叔孫莊叔敗狄于鹹獲長狄僑如及融也豹也皆以名其子定八年傳稱魯苦越生子將待事而名之陽州之役獲焉故名之曰陽州知得臣亦待事以名其三子以旌章其功也此三子未必同年而生或生訖待事或事後始生欲以章已功取彼名而名之也

初宋武公之世

鄭瞞伐宋

**國**

在春秋前

**國**

記十二諸侯年表宋武公即位十八年以魯惠公二十一年卒卒在春秋前二十六年不知鄭瞞以何年伐宋也

父帥師禦之

**國**

彤斑御皇父充石

**國**

皇父戴公子充石

皇父名

○禦本亦作御魚呂反彤音而

**國**

皇父至父名○正義曰連言名字者皆先字後名且此人

子孫以皇為氏知皇父字充石名

公子穀甥為右司

寇牛父駟乘以敗狄于長丘

**國**

長丘宋地獲長狄緣

斯

**國**

緣斯僑如之先

**國**

獲長狄緣斯○正義曰服虔云不言所埋埋其身首同處

於戰地

皇父之二子死焉

**國**

皇父與穀甥及牛父皆

死故彤斑獨受賞

**國**

皇父至受賞○正義曰賈逵云皇父與穀甥牛父三子皆死

鄭眾以為穀甥牛父二人死耳皇父不死馬融以為皇父之二子從父在軍為敵所殺各不見者方道二子死故得勝之如今皆死誰殺緣斯服虔云殺緣斯者未必三子之手士卒獲之耳下言宋公以門賞彤斑斑為皇父禦而有賞三子不見賞疑皆死賈君為遠之如馬之言於傳文為順但斑獨受賞知三子皆

御



死故杜亦同之宋公於是以門賞彤斑使食其征

征稅也鏡反門關至稅也正義曰禮惟關

司貨賄之出入掌其治禁與其征塵國凶札則無關

門之征鄭玄云征塵者貨賄之移孟子曰關市譏而

不征則天下行旅皆悅而願出於其塗矣如彼文知

出入關者必有征稅但不知幾而稅一也然據禮文

城門亦有征必知關門者以關門征稅其數既多故

昭二十年偃介之關暴征其私是關禁之重異於城

門此云食其征謂之彤門晉之滅潞也在宣十五

年音路獲僑如之弟焚如齊襄公之二年魯桓之

十六年鄭瞞伐齊齊王子成父獲其弟榮如榮如

焚如之弟焚如後死而先說者欲其兄弟伯季相次

榮如以魯桓十六年死至宣十五年一百三歲其兄

猶在傳言既長且壽有異於人王子成父齊大夫

壽如字埋其首於周首之北門周首齊邑濟北穀

城縣東北有周首亭衛人獲其季弟簡如伐齊退

走至衛見獲鄭瞞由是遂亡長狄之種絕

長狄之種絕正義曰此時長狄種絕仲尼猶

云今日曰大人者言當時呼往前長狄為大人未必

其時有之若當時猶有其種吳人不應怪其骨也但

如此傳文長狄有種種類相生當有支胤唯獲數人

云其種遂絕深可疑之命守封隅之山賜之以漆為

姓則是世為國主縣歷四代安得更無支屬唯有四

人且君為民心方以類聚不應獨立三丈之君使牧

八尺之民又三丈之人誰為匹配豈有三丈之妻為

水火充



似

春秋

卷一

禮記

之生產乎人情度之深可惑也國語仲尼之談左傳丘明所說通賢大聖立此格言不可論其是非實疑之久矣蘇氏云國語稱今日大人但逆居四夷不在中國故云遂亡公羊穀梁竝云長狄兄弟三人一之齊一之魯一之晉何以書記異猶如史記所云秦時大人見於臨洮

**安於夫鍾** **安處也夫鍾邾邑** 邾音成儒如朱反夫音扶 **國人**

**弗徇** 徇順也為明年邾伯來奔傳 徇以俊反

**經十有二年春王正月邾伯來奔** 稱爵見公以諸侯

禮迎之 見賢 稱爵至迎之 正義曰此實大

君史遂從公之意成十年晉侯有疾立太子州蒲為君會諸侯伐鄭經即書為晉侯史官不可反公之心追言世子從君所稱更是其實故也

**杞伯來朝** 復稱伯舍夷禮 復扶又反一音服舍音捨

**二月庚子子叔姬卒** 既嫁成人雖見出棄猶以恩錄

其卒 既嫁至其卒 正義曰天子諸侯絕期嫁

卒則服大功九月叔姬既為杞之夫人雖見出棄猶以恩錄其卒喪服女子既嫁而反在父母之室從本服為之齊衰期此既書其卒當服其本服杜譜不知此叔姬是何公之女要姑與姊妹皆服期也釋例曰出棄之女反在父母之室則與既笄成人者同故亦書卒也杞叔姬卒穀梁以為公母姊妹謂同母姊妹

**夏楚人圍巢** 巢吳楚間小國廬江六縣東有居巢城

**秋滕子來朝秦伯使術來聘** 術不稱氏史畧文

**冬十有二月戊午晉人秦人戰于河曲** 不書敗績交

術

春秋

卷一

禮記



綏而退不大崩也稱人秦晉無功以微者告也皆陳  
曰戰例在莊十一年河曲在河東蒲坂縣南○陳直  
魏反坂

反音

季孫行父帥師城諸及鄆鄆莒魯所爭者城陽姑幕

縣南有負亭負即鄆也以其遠偏外國故帥師城之

○鄆音運幕音莫負音云  
一音運本又作鄆音同

傳十二年春邾伯卒邾人立君○邾音圭大夫自安於外邑

故大夫以夫鍾與邾邾來奔邾邾亦邑公以

諸侯逆之非禮也非公寵叛人故書曰邾伯來奔

鄆

不書地尊諸侯也既尊以為諸侯故不復見其竊

邑之罪○復扶又反杞桓公來朝始朝公也公

即位始來朝始朝公也○正義曰劉炫云魯公新

朝晚則云始朝公也諸侯自新立來及時者則云即

位而來見晚則云始見霸主即位魯公往朝則曰朝

嗣君魯君新立往朝大且請絕叔姬而無絕昏公許

之不絕昏立其姊以為夫人不書來歸未笄而卒

○笄古絕昏成五年有杞叔姬來歸故知其姊為

夫人也其姊亦字叔者周之法稱叔也釋例曰杞桓

公以僖二十三年即位襄六年卒凡在位七十一年

文成之世經書叔姬二人一人出一人卒皆杞桓公

夫人也傳例出曰來歸不書來歸未歸而卒也既歸

及行歸

歸

笄釋文當移在後



而卒亦當書之成五年杞叔姬來歸八年書卒是也  
宣十六年鄭伯姬來歸後不書卒者或更嫁於大夫  
故不書 二月叔姬卒不言杞絕也 既許其絕故不

言杞書叔姬言非女也 女未嫁而卒不書 楚令

尹大孫伯卒成嘉為令尹 若敖曾孫子孔羣舒叛

楚羣舒偃姓舒庸舒鳩之屬今廬江南有舒城舒

城西南有龍舒 姓舒庸舒蓼舒鳩舒龍舒鮑舒龔

以其非一故 夏子孔執舒子平及宗子遂圍巢 舒君名宗巢二國羣舒之屬 秋滕昭公來朝亦始

朝公也 秦伯使西乞術來聘且言將伐晉襄仲辭

玉曰君不忘先君之好照臨魯國鎮撫其社稷重之

以大器寡君敢辭玉 大器圭璋也不欲與秦為好

故辭玉 好呼報反註及下 大器至辭玉 正

璧聘夫人用璋享用琮聘禮記曰凡四器者唯其所

寶以聘可也故知所言大器是圭璋也考工記玉人

云瑑圭璋八寸璧琮八寸以規聘聘禮記云所以朝

天子圭與纁皆九寸問諸侯朱綠纁八寸鄭玄云於

天子曰朝於諸侯曰問記之於聘文互相備言互相

備者朝諸侯與天子同聘天子與諸侯同也所言朝

圭九寸聘圭八寸謂上公禮也使臣出聘降君一等

故八寸則侯伯之使當瑑圭六寸子男之使當瑑璧

四寸也聘義曰以圭璋聘重禮也已聘而還圭璋此

輕財而重禮之義也然則玉必還其來使而下云致

諸執事以為瑞節及襄仲辭之者禮聘終雖復得還

玉初聘之時其意欲致與主國但主之且襄仲辭之

但主之以下疑多錯誤

春秋

卷一

十一



答

春秋疏

卷之九

禮記

者為不欲與秦為對曰不腆敝器不足辭也

也主人三辭賓客曰寡君願徼福于周公魯

公以事君徼要也魯公伯禽也言願事君以并蒙

先君之福於堯反下同不腆先君之敝器使下臣

致諸執事以為瑞節節信也出聘必告廟故稱先

君之器要結好命所以藉寡君之命結二國

之好藉薦也藉在夜禮執圭所以致君命君

命致藉玉而後通若坐之有薦席然故以藉為薦也

是以敢致之襄仲曰不有君子其能國乎國無陋矣厚賄之賄贈送也呼罪

招釋同

反○秦為令狐之役故冬秦伯伐晉取羈馬

令狐役在七年羈馬晉邑丁反晉人禦之趙盾

將中軍荀林父佐之林父代先克將子匠

將上軍代箕鄭與駢佐之代林父駢步樂盾

將下軍樂枝子代先蔑盾徒本反胥甲佐之

胥臣子代先都范無恤御戎代步昭昭上以從

秦師于河曲史駢曰秦不能久請深壘固軍以待之

從之秦人欲戰秦伯謂士會曰若何而戰晉士會

七年奔秦壘力深壘固軍正義曰壘壁也軍

軌反營所處築土自衛謂之為壘深

春秋疏

卷之九

禮記



者高也。高其壘，以為軍之阻固。案觀禮說，為壇深四尺，鄭註云：深高也，是其義也。對曰：趙氏

新出其屬曰臾駢，必實為此謀。將以老我師也。

駢，趙盾屬大夫。新出，佐上軍。趙有側室曰穿，晉君之

壻也。

側室，支子穿，趙夙庶孫。○穿，音川。○側室，至庶。

文王世子云：公若有出疆之政，庶子守公宮，正室守

太廟。鄭玄云：正室，適子也。正室是適子，知側室是支

子。言在適子之側也。世族譜：穿，趙夙之孫，則是趙盾

從父昆弟之子也。盾為正室，故謂穿為側室。穿別為

邴邴氏，趙施，趙勝，邴邴午，是其後也。有寵而弱，不在軍事。

弱，年少也。又未嘗涉知軍事。好勇而狂，且惡臾駢之佐

上軍也。若使輕者肆焉，其可。

肆，暫往而退也。○惡，烏路。

反輕，遣政。秦伯以璧祈戰于河。

反肆，音四。○禱，求勝。○禱，丁老。

報十二月戊午，秦軍掩晉上軍，趙穿追之不及。

軍不動，趙穿獨追之。反怒曰：裒糧坐甲，固敵是求敵

至不擊，將何俟焉？軍吏曰：將有待也。

裒，糧坐甲。○正義曰：甲者所以制禦非穿曰：我不

常臨敵，則被之於身，未戰且坐之於地。知謀將獨出，乃以其屬出。宣子曰：秦獲穿也，獲一卿

矣。

僖三十三年，晉侯以一命命卻缺為卿，不有軍帥之數，然則晉自有散位從卿者。

勝歸，我何以報？乃皆出戰交綏。

○帥所類，反。秦以司馬法曰：遂奔不



致

郤

遠從綏不及逐奔不遠則難誘從綏不及則難陷然

則古名退軍為綏秦晉志未能堅戰短兵未至爭而

兩退故曰交綏○爭爭關之爭○魏武全引司馬法云將軍

死綏舊說綏部也言軍卻將當死綏必是退軍之名

綏訓為安蓋兵書務在進取恥言其退以安行即為

大罪故以秦行人夜戒晉師曰兩君之士皆未愁也

明日請相見也○愁缺也言云傷也字林云間也牛

傷未收則是已有死者但未至與駢曰使者目動而

言肆懼我也○目動心不安言肆聲失常節○使

反將遁矣薄諸河必敗之○薄迫也○遁徒困反薄

反胥甲趙穿當軍門呼曰死傷未收而棄之不惠

也不待期而薄人於險無勇也乃止○晉師止為宣

元年放胥甲傳秦師夜遁復侵晉入瑕○復扶○城

諸及鄆書時也

經十有三年春王正月

夏五月壬午陳侯朔卒○無傳再同盟○正義曰朔以

僖二十九年即位其年盟于翟泉文二年于

邾子蘧蔭卒○未同盟而赴以名○蘧其居反○同盟未



瑣

則

且氏

春秋政  
而赴以名。正義曰：遠際邾子瑱之子也。莊二十九年即位，僖元年與魯盟于犂，而云未同盟，蓋據文公為言，故云未同盟。劉炫以犂盟規之非也。

自正月不雨，至于秋七月。

大室屋壞。大廟之室。○大音泰。大廟之室。○正

則於此室當共知大廟之室也。明堂位曰：祀周公於大廟，此周公之廟，壞也。不直言大廟壞，而云大室屋壞者，大廟之制，其簷四阿而下，室當其中，又拔出為重屋。明堂位云：大廟，天子明堂，復廟重檐，天子之廟，飭鄭云：復廟重屋也。是天子之廟，上為重屋，此是大廟當中之室，其上之屋，壞非大廟全壞也。公羊作世室，傳曰：世室者，何魯公之廟也。周公稱大廟，魯公稱世室，羣公稱宮，此魯公之廟也。曷為謂之世室？猶世世不毀也。左傳不辨此是何公之廟，而經謂之大室，喜此室是室之最大者，故知是周公之廟，非魯公也。

明堂位曰：魯公之廟，文世室也。武公之廟，武世室也。不毀則稱世室。世室非一君廟名，若是伯禽之廟，則宜舉其號諡。案左傳：經為大室，不作世室。故左氏先師賈服等皆以為大廟之室也。壞必更作，書其壞而不書作者，隨即修之，故不書也。定二年五月，雉門及兩觀災，十月新作雉門及兩觀，啓塞從時，譏其緩作，故別書之耳。

冬公如晉，衛侯會公于沓。沓地闕。○沓徒答反。

狄侵衛。無傳。

十有二月己丑，公及晉侯盟。十二月無己丑，己丑十

一月十一日。

公還自晉，鄭伯會公于棐。棐鄭地。○棐芳味反。又非尾反。

春秋流

卷十九下十二

及古閣



傳十三年春晉侯使詹嘉處瑕以守桃林之塞

嘉晉大夫賜其瑕邑令帥眾守桃林以備秦桃林在

弘農華陰縣東潼關○詹章廉反塞悉代反今

嘉至潼關○正義曰桃林之塞在南河之南遠處晉

與東方諸侯遠結恩好及西乞聘魯亦應更交餘國

慮其要結外援東西圖已故使守此扼塞欲斷其來

也晉人患秦之用士會也夏六卿相見於諸浮

浮晉地○六卿至諸浮○正義曰六卿在朝旦夕聚

諸浮當是城外之近地耳趙宣子曰隨會在秦賈

季在狄難日至矣若之何○六年賈季奔狄○難乃

戶

人實中行桓子曰請復賈季○中行桓子荀林父也

僖二十八年始將中行故以為氏○行司郎反註

外事且由舊勳○有狐偃之舊勳○能外事○正義

且罪大○殺陽處父故不如隨會能賤而有恥柔而

不犯○不可犯以不義○能賤而有恥○正義曰服

者以誘士會執其帑於晉使夜逸○魏壽餘畢萬之

後帑壽餘子○知音智○魏壽至之後○正義曰

後帑壽餘子○知音智○魏壽至之後○正義曰

後帑壽餘子○知音智○魏壽至之後○正義曰

後帑壽餘子○知音智○魏壽至之後○正義曰

妻



請

拘

春秋左傳卷之九十一 秦本紀第十一

雙者萬之孫為魏之世適壽餘為魏邑請自歸于秦

之主當是雙之近親故云畢萬之後

秦伯許之許受其邑履士會之足於朝躡士會

足欲使行躡女涉反秦伯師于河西將取魏魏人在

東今河北縣於秦為在河之東壽餘曰謂東人之

能與夫二三有司言者吾與之先欲與晉人在秦

者共先告喻魏有司夫請東至之先正義曰

才能堪與彼魏邑二三有司請舊是東方之人并有

說歸秦之言者吾與先行使士會士會辭曰晉人

虎狼也若背其言臣死妻子為戮無益於君不可悔

也辭行示已無去心背音臣死至悔也正義曰言身徇死於

晉妻為戮於秦必無秦伯曰若背其言所不歸爾帑

益於君不可改悔者有如河言必歸其妻子明白如河乃行繞朝贈

之以策策馬櫪臨別授之馬櫪竝示已所策以展

情繞朝秦大夫朝如字又張遙反策本又作策初

林作策云篁策馬櫪正義曰服虔云繞朝以

也竹瓜反策書贈士會杜不然者壽餘請訖士

會即行不暇書策為辭且事既密不宜以簡贈人傳

稱以書相與皆云與書此獨不宜云贈之以策知是

馬櫪櫪曰子無謂秦無人吾謀適不用也示已覺

其情既濟魏人譟而還喜得士會諫素報秦人

歸其帑其處者為劉氏士會堯後劉累之胤別族

春秋左傳卷之九十一 秦本紀第十一

及古

茲疑併誤



復累之姓。○累劣。屬其子於齊使為王孫氏者。知已將死。豫令改族。其傳又為而發之。士會之帑在秦。不顯於會之身。復無所辟。傳說處秦為劉氏。未知何意。言此討尋上下。其文不類。深疑此句。或非本旨。蓋以為漢室初興。捐棄古學。左氏不顯於世。先儒無以自申。劉氏從秦從魏。其源本出。劉累。挿註此辭。將以媚於世。明帝時。賈逵上疏云。五經皆無證。圖讖明劉氏為堯後者。而左氏獨有明文。竊謂前世藉此以求道通。故後引之以為證耳。○士會至之姓。○正義曰。昭二十九年。傳稱陶唐氏既衰。其後曰劉累。能飲食龍。夏王孔甲賜氏曰御龍。襄二十四年。傳。荊宣子云。句之祖自虞以上。為陶唐氏。在夏為御龍氏。在商為豕韋氏。在周為唐杜氏。晉主夏盟。為范氏。晉語云。管。隰叔子。違周難於晉。生子與。為司空。世及武子。佐文襄。輔成景。是以受隨。范。賈逵云。隰叔杜伯之子。周宣王殺杜伯。其子逃奔晉。子與。士為也。武子為之。孫即士會也。又世本。士為生士伯。缺。缺生士會。會生士

變會是為之孫。是為堯後也。會子在秦。不被賜族。故自復累之姓。為劉氏。秦滅魏。劉氏徙大梁。漢高祖之祖。為豐公。又徙沛。故高祖為沛人。○邾文公卜遷于繹。繹邾邑。魯國。邾縣北有繹山。○繹音亦。邾則留反。義曰。邾都本在邾縣。邾縣北有繹山。徙都於彼山旁。山旁當有舊邑。故曰繹邾邑也。邾既遷都於此。竟內別有繹邑。宣十年。公孫歸父帥師伐邾。取繹。取彼之別邑。不取邾之國都也。但邾是小國。彼繹邑亦取繹山為名。應近邾之都耳。史曰。利於民而不利於君。邾子曰。苟利於民。孤之利也。天生民而樹之君。以利之也。民既利矣。孤必與焉。左右曰。命可長也。君何弗為。邾子曰。命在養民。死之短。長時也。民苟利矣。遷也。吉莫如之。左右以一

春秋疏



人之命為言，文公以百姓之命為主，一人之命各有短長，不可如何。百姓之命，乃傳世無窮，故徙之。音預與傳直。音預君必死，不知君命自當卒也。左右之意，謂不遷命可長。左右勸君弗遷，以一人之命為言也。文公之意，人君之命在於養民，遷則民利，志在必遷。以百姓之命為主也。一人之命各有短長，長短先定，不遷亦死，是不可如何。百姓之命，利在水土，遷就善居，則民安樂，乃傳世無窮也。晉遷新田，十世遂遷于繹。五之利，衛遷帝丘，卜曰：「三百年是傳世也。」

**月邾文公卒，君子曰：「知命。」**音預君子曰：「知命。」正義曰：而死死之短長有時，不遷至期亦卒。傳言君子曰：「知命，所以證俗人之惑。」邾文公以莊二十九年即位，至今五十二年享國。○**秋七月，大室之屋壞，書不共也。**音預久矣，命非短折也。

**簡慢宗廟，使至傾頽，故書以見臣子不共。**音預大賢遍音預書不共。○正義曰：釋例曰：大室之屋，國之所反。尊朽而不繕，久旱遇雨，乃遂傾頽，不共之甚。故特書之。○**冬，公如晉朝，且尋盟。衛侯會公于沓，請平于晉。公還，鄭伯會公于棐，亦請平于晉。公皆成之。**音預鄭衛貳于楚，畏晉，故因公請平。鄭伯與公宴于棐，子家賦鴻鴈。音預子家，鄭大夫公子歸生也。鴻鴈，詩小雅義。取侯伯哀恤鰥寡，有征行之勞，言鄭國寡弱，欲使魯侯還晉恤之。音預鰥，古頹反。子家至恤之。○正義曰：鴻首章云：「之子于征，劬勞于野，爰及矜人，哀此鰥寡。」子侯伯，卿士也。存省諸侯，劬勞外野，爰曰也。矜，憐也。

春，火流。  
卷十九下 十六  
及古聞



王命之曰當及此可憐之人謂貧窮者又當哀此鰥夫寡婦當收斂之使有依附子家言鄭寡弱欲使魯侯遠行還晉

存恤之也。李文子曰寡君未免於此。言亦同有微弱之憂。文子賦四月。四月詩小雅義取行役踰

時思歸祭祀不欲為還晉。為于偽。四月至還。反下皆同。四月正義曰

四月大夫行役之怨詩也。首章云四月維夏六月徂暑先祖匪人胡寧忍予大夫言已四月初夏而行至

六月徂暑矣寒暑易節尚不得歸我之先祖匪人乎王者何當施忍於我不使得祭祀也。文子言已思歸

祭祀不欲。子家賦載馳之四章。載馳詩鄘風四章更復還晉。以下義取小國有急欲引大國以救助。音容。載

救助。正義曰載馳許穆夫人聞衛之滅思歸唁兄之詩也。其四章曰陟彼阿丘言采其蕪女子善懷亦

謂

十下右有字

各有行許人尤之衆釋且狂其五章曰我行其野芄芄其麥控于大邦誰因誰極大夫君子無我有芄芄爾所思不如我所之此義取小國有急控告大國文在五章而傳言四章故云四章以下言其并賦五章

文子賦采薇之四章。采薇詩小雅取其豈敢定居

一月三捷許為鄭還不敢安居。三息暫反又

月三捷。正義曰捷勝也。鄭伯拜。謝公為行公答

拜

經十四年春王正月公至自晉。無傳告于廟

邾人伐我南鄙。叔彭生帥師伐邾

夏五月乙亥齊侯潘卒。七年盟于扈。乙亥四月二十

宋火流

卷一十七

及古閣

經十 一本十下有右字



九日書五月從赴

○潘判曰齊世家孝公卒弟潘

殺孝公子而立是為昭公昭公則以僖二十八年即位其年盟于踐土據文公言之唯同扈之盟耳杜以長歷按之知乙亥是四月二十九日書五月從赴者蓋赴以五月到惟言卒日不言其月即書其所至之月

六月公會宋公陳侯衛侯鄭伯許男曹伯晉趙盾癸酉

同盟于新城新城宋地在梁國穀熟縣西

秋七月有星孛入于北斗孛彗也既見而移入北斗

非常所有故書之○孛音佩徐無憤反嵇康音渤海孛彗稀似歲反一音雖遂反見賢編孛孛孛至書之○正義曰公羊傳曰孛者何孛反孛星也其言入于北斗何北斗有中也何以書記

掃

異也穀梁傳曰孛之為言猶弗也其曰入北斗斗有環域也釋天云彗星為欃槍郭璞曰妖星也亦謂之孛言其形孛孛似星彗也經言入于北斗則從他處而入是既見而移入北斗也彗星長有尾入于北斗杓中妖星非常所有故書

公至自會無傳

晉人納捷菑于邾弗克納邾有成君晉趙盾不度於

義而大興諸侯之師涉邾之竟見辭而退雖有服義

之善所興者廣所害者衆故貶稱人○菑側其反度

納捷菑于邾○正義曰捷菑不言邾者下有于邾之文莊公伐齊納子糾不言齊者上有伐齊之文與此同也僖二十五年楚人圍陳納頓子于頓昭十二年齊高偃納北燕伯于陽彼舊是國君故稱其國



春秋經傳集解卷之九十一  
哀二年晉趙鞅納衛世子蒯聩于戚世子之尊以名體國上下又無衛文故亦稱國與此異也齊小白齊陽生許叔蔡季之屬納無納文又復得國與此不同也劉炫云已去邾國又非邾君故不稱邾捷菑也得國為君皆舉國言之齊小白入于齊是也

九月甲申公孫敖卒于齊既許復之故從大夫例書

卒既許至書卒○正義曰傳稱請葬不許明年大夫例書卒者卒葬異禮事不相連隱公書薨不書葬不成喪不以君禮成其葬也不以君禮猶得書公薨敖雖不以卿禮葬既許其復得從例書卒

齊公子商人弑其君舍舍未踰年而稱君者先君既

葬舍已即位弑君例在宣四年舍未至四年○正義曰公羊之例

既葬稱子踰年稱公左氏則不然僖九年九月晉侯倮諸卒冬晉里克殺其君之子奚齊傳曰書曰殺其君之子未葬也荀息立公子卓以葬十一月里克殺公子卓于朝經書里克殺其君卓是未葬稱子既葬稱君不待踰年始稱君也此稱弑其君舍舍已成君故云未踰年而稱君者先君既葬舍已即位也傳云五月昭公卒舍即位後七月為商人所弑經傳無葬昭公之文又齊侯以五月而卒傳稱七月弑舍時未合葬知已葬者正以舍已稱君決知既葬春秋之世多不如禮葬之早晚時有遲速雖復違禮而葬後君葬訖即成君非計禮之葬口始成君也宣十年夏四月齊侯元卒六月葬齊惠公冬齊侯使國佐來聘是葬惠成君之文也杜以成君在於既葬不以踰年為限此言未踰年者意在排舊說也

宋子哀來奔大夫奔例書名氏貴之故書字

書字○正義曰崔杼無罪書崔氏出奔此貴子哀書其字云於例字貴於名故儀父女叔之徒皆書其字



春秋

卷十九

齊魯

則書字是貴之常例也。崔氏傳曰：且告以族，故因稱氏，唯以不名為義。

冬單伯如齊

單伯周卿士為魯如齊，故書。

○單音善，為于偽反。

齊人執單伯

諸侯無執王使之義，故不依行人例。

使所吏，諸侯至人例。○正義曰：諸侯執諸侯之大反，夫無罪則稱行人，以見無罪之義。王者之使不問有罪無罪，諸侯皆不得執之，執之則為不臣。以諸侯無執王使之義，故單伯不依行人例。言單伯身雖無罪，不依使例，故不稱行人也。諸侯不得執王使而諸侯之史得貶王使者，史之所書，周公定法已君有過，猶尚書之王，使有愆，亦得貶也。

齊人執子叔姬

叔姬魯女，齊侯舍之母，不稱夫人，自魯錄之，父母辭。

○正義曰：使稱子叔姬，齊昭公知至之母也，不稱

齊人執子叔姬

叔姬魯女，齊侯舍之母，不稱夫人，自魯錄之，父母辭。

○正義曰：使稱子叔姬，齊昭公知至之母也，不稱

魯錄之，父母辭。

叔姬魯女，齊侯舍之母，不稱夫人，自魯錄之，父母辭。

○正義曰：使稱子叔姬，齊昭公知至之母也，不稱

夫人自魯錄之，父母辭，亦不知是何公之女。魯是其文，母家不言文，公是其父，稱子叔姬者，服云子殺身執罔之故，言子為在室辭。十二年子叔姬卒，已被起絕，是並在室也。

傳十四年春，頃王崩，周公閱與王孫蘇爭政，故不赴。

凡崩薨，不赴則不書，禍福不告亦不書。○奔亡禍也。

歸復福也。○頃音傾。○奔亡至福也。○正義曰：因

之類，福是反禍者也。福莫大於享國，有家禍莫甚於

亡家喪國，禍亦崩薨之類，相犬之物，且奔亡歸復其

事多矣，雖有出入之例，未見不告之義。此傳於懲不

敬也。○欲使怠慢者戒。○懲直。○邾文公之卒也。

在前年，公使弔焉，不敬，邾人來討，伐我南鄙，故惠伯

春秋

卷十九

齊魯



伐邾。○子叔姬妃齊昭公生舍。叔姬無寵，舍無威。公子商人驟施於國。驟數也。商人桓公子。本亦作配。

驟仕救反施式。歧反數音朔。而多聚士，盡其家貸於公，有司以繼之。

家財盡從公及國之有司富者貸。○盡車忍反。貸音待又音。

夏五月，昭公卒，舍即位。○邾文公元妃齊姜生

定公，二妃晉姬生捷菑。文公卒，邾人立定公，捷菑奔

晉。○六月，同盟于新城，從於楚者服。從楚者陳鄭

宋且謀邾也。謀納捷菑。○秋七月乙卯夜，齊商人

弑舍而讓元。元商人兄，齊惠公也。書九月從告七

月無乙卯日。○弑音試。元曰：爾求之久矣，我能事

爾，爾不可使多蓄憾。不為君則恨多。蓄救六反。本又作蓄憾。

將免我乎？爾為之。言將復殺我。扶又。本又作感。暗反恨也。

將免我乎？○正義曰：言爾已殺君矣，我若為君

之事乎？○有星孛入于北斗。周內史叔服曰：不出七

年，宋齊晉之君皆將死亂。後三年，宋弑昭公，五年

齊弑懿公，七年晉弑靈公。史服但言事徵而不論其

占固非末學所得詳言。弑音。後三至詳言。○試下同。正義曰：昭十七年

傳申須云：彗所以除舊布新也。天事恒象，又二十六年傳晏子曰：天之有彗也，以除穢也。宋齊晉三國之



君竝為無道皆有穢德今其出而彼死是除穢之事  
但未測何以知此三君當之史服但言事徵不言其  
占非未學所得詳言故言其驗而不推其義

○晉趙盾以諸侯之師八百  
乘納捷菑于邾八百乘六萬人言力有餘○乘繩

同邾人辭曰齊出纓且長○纓俱縛反

子餘反長丁宣子曰辭順而弗從不祥乃還○立適

以長故曰辭順○適丁○周公將與王孫蘇訟于晉

王叛王孫蘇○王佳王叛不與而使尹氏與聃啓訟

周公子晉○訟理之尹氏周卿士聃啓周大夫○聃

反趙宣子平王室而復之○使復和親○楚莊王立

復

穆王子也子孔潘崇將襲羣舒使公子燮與子儀

守而伐舒蓼○即羣舒○燮管協反守

鄆而使賊殺子孔不克而還八月二子以楚子出將

如商密○國語曰楚莊王幼弱子儀為師王子燮為

傳○還○國語至為傳○正義曰楚語蔡聲子云

傳使潘崇子孔帥師以伐舒燮及儀父為師王子燮為

其室師還至則以王如廬廬戢黎殺二子而復王

廬戢黎及叔麋誘之遂殺鬬克及公子燮○廬今襄

陽中廬縣戢黎廬大夫叔麋其佐鬬克子儀也○廬

反又音廬註同戢初鬬克囚于秦○在僖二十五年

黎一作黎而十六年傳作



一作三年

春秋左傳卷之十一 僖公三十三年

秦有殺之敗在僖三十三年而使歸求成成而不

得志無賞報也公子燮求令尹而不得故二子作

亂傳言楚莊幼弱國內亂所以不能與晉競穆

伯之從已氏也在八年魯人立文伯

穆伯之子穀也穆伯生二子於莒而求復文伯以為

請襄仲使無朝聽命復而不出不得使與聽政事

終寢於家故出入不書為請如字又于偽反下以

二年而盡室以復適莒文伯疾而請曰穀之子弱

子孟獻子年尚少請立難也

難穀弟難乃多許之文伯卒立惠叔穆伯請重賂

以求復惠叔以為請許之將來九月卒于齊告喪請

葬弗許請以卿禮葬宋高哀為蕭封人以為卿

蕭宋附庸仕附庸還升為卿正義曰蕭本宋邑

莊十二年宋萬弑閔公蕭叔大心者宋蕭邑之大夫

也平宋亂立桓公宋人賞其勞以蕭邑封叔為附庸

莊二十三年蕭叔朝公是為附庸故稱朝附屬宋國

故云宋附庸也宣十二年楚子滅蕭此時蕭國仍在

高哀仕於蕭國遂不義宋公而出遂來奔出而待

放從放所來故曰遂書曰宋子哀來奔貴之也貴

其不食汚君之祿辟禍速也汚汗齊人定懿公

汚

春秋左傳卷之十一 僖公三十三年 及古聞



使來告難故書以九月齊人不服故三月而後定

書以九月明經日月皆從赴難乃赴齊人至從

商人實以七月弑舍取其位而齊人未服三月而後

定定訖始來告不告舍死之月唯言商人弑舍魯史

以其九月來告即書之於九月如此傳文告以九月

即書九月明經之日月皆從赴而書非褒貶詳畧也

杜言此者辨先儒言齊公子元不順懿公之為政也

日月有褒貶之義

終不曰公曰夫已氏猶言某甲

甲○正義曰心惡其政不以為公凡與夫言欲稱君

者終不謂之為公曰夫已氏○懿公之名也劉云甲

已俱是名故

云猶言某甲

襄仲使告于王請以王寵求昭姬于

齊昭姬子叔姬曰殺其子焉用其母請受而罪之

昭姬子叔姬曰殺其子焉用其母請受而罪之

齊昭姬子叔姬曰殺其子焉用其母請受而罪之

齊昭姬子叔姬曰殺其子焉用其母請受而罪之

齊昭姬子叔姬曰殺其子焉用其母請受而罪之

齊昭姬子叔姬曰殺其子焉用其母請受而罪之

齊昭姬子叔姬曰殺其子焉用其母請受而罪之

齊昭姬子叔姬曰殺其子焉用其母請受而罪之

齊昭姬子叔姬曰殺其子焉用其母請受而罪之

○焉於冬單伯如齊請子叔姬齊人執之恨魯恃

王勢以求女故又執子叔姬欲以恥辱魯

經十有五年春季孫行父如晉

三月宋司馬華孫來盟華孫奉使鄰國能臨事制宜

至魯而後定盟故不稱使其官皆從故稱司馬華

反使所吏反

從才用反

丙午及荀庚盟丁未及孫良夫盟彼先以君命行聘

禮既而別與之盟故書聘又書盟此雖使來聘魯不

令結盟故書盟未稱使也僖四年楚屈完來盟于師

即其比也諸侯之卿例書名氏以華耦能率其屬官

備禮盡儀故貴其人書其官也八年宋人殺其大夫

司馬宋司城來奔唯言其官不言氏族此既書司馬

及古

及古

及古



復曰華孫者劉炫云或以為華耦貴之既深故特書族案傳華耦魯人以為為敏則君子不許是魯貴之不深蓋史有文質故辭有詳畧

夏曹伯來朝

齊人歸公孫敖之喪大夫喪還不書善魯感子以赦

父敦公族之恩崇仁孝之教故特錄敖喪歸以示義

國大夫至示義。正義曰桓十八年公之喪至自齊僖元年夫人氏之喪至自齊二註皆云告於廟也是公與夫人薨于外竟皆啓廟告至例書於策宣八年仲遂卒于垂成十七年公孫嬰齊卒于狸服皆不書喪至是大夫喪還例不書此獨書齊人歸公孫敖之喪者釋例曰公孫敖縱情棄也既已絕位非大夫也而備書於經者惠叔毀請於朝感子以赦父敦公族之恩崇仁孝之教故曰為孟氏且國故是也不

命

秋

言來者魯人取之齊人送之非有專使特來故不言來哀八年齊人歸讎及闡註云不言來命歸之無指使此亦彼之類也

六月辛丑朔日有食之鼓用牲于社傳例曰非禮也

單伯至自齊

晉卻缺帥師伐蔡戊申入蔡傳例曰獲大城曰入

齊人侵我西鄙

季孫行父如晉

冬十有一月諸侯盟于扈將伐齊晉侯受賂而止故

總曰諸侯言不足序列



十有二月齊人來歸子叔姬齊人以王故來送子叔

姬故與直出者異文齊人至異文。正義曰：傳例出曰來歸，是直出之文也。

齊人以王之故來送叔姬，故與直出異文也。使者卑微不可言齊侯使人，故云齊人來歸。九年秦人來歸，僖公成風之祿，定十年齊人來歸，鄆謹龜陰之田，成九年晉人來勝之類，皆是來者微賤，不得稱君命，故舉國稱人。

齊侯侵我西鄙，遂伐曹，入其郭郭郭也。音郭。

傳十五年春，季文子如晉，為單伯與子叔姬故也。

因晉請齊。為于偽反，下為孟。及下註為惠叔皆同。三月，宋華耦來盟。

其官皆從之，書曰：宋司馬華孫貴之也。

古之盟會

事

必備威儀，崇贊幣，賓主以成禮為敬，故傳曰：卿行旅

從春秋時，率多不能備儀，華孫能率其屬，以從古典，

所以敬事而自重，使重而自敬，則魯尊而禮篤，故貴

而不名。皆從才用反，註旅從同。又音如字。贊音至，率所類反。又音律，使所吏反。之至

不名。正義曰：杜檢傳文，諸言書曰者，皆是仲尼新意。此云其官皆從，即云書曰司馬貴之，明是貴其官

從故書其官也。聘禮之文有上介衆介至所聘之國，誓于其竟，則史讀書，司馬執策，賈人拭玉，有司展幣

其從羣官多矣。詩：縣蠻之篇，言大臣出行，微臣隨從。傳稱：卿行旅從，昭六年楚公子棄疾聘晉，至於鄭竟

而誓，知其從人多矣。盟會禮重於聘，知古人盟會必

備威儀，崇贊幣，賓主以成禮為敬，故傳云其官皆從貴之也。春秋之時，率多不能備威儀，故傳每言

一介行李是也。華孫今獨能率其官屬，以從古典，所



春秋左傳卷之九十一  
以敬其君事而自鎮重也使人既重而承事恭敬則魯被尊而賓禮篤也奉使鄰國能尊重主厚禮是可貴之事故仲尼貴而不名至宴無故揚其先祖之罪為已謙辭是不敏之極魯人以為敏明君子所不與言仲尼貴其官從君子嗤其失辭有善有惡傳兩舉之也釋例曰古之盟會必備禮儀示等威明貴賤各以成禮為節節制兼備則名位不愆華孫居擾攘之世而能率由古典所以敬事而自重使重而事敬則魯尊而禮篤故貴之也至於宴會追稱先人之罪為已謙辭謙以失辭故傳云魯人以為敏明君子所不與也是言善惡兩舉之事也襄五年傳曰楚殺其大夫公子壬夫貪也君子謂楚共王於是不刑言貪也罪壬夫不刑責共王亦是兩舉之文其事類於此也服虔云莒耦為卿侈而不度以君命修好結盟舉其官屬從之空官廢職魯人不知其非反尊貴之其意以為貴之者魯人貴之非君子貴之案經儀父與魯結好子哀不義宋公司城效節來奔單伯自齊致命傳昔言書曰貴之實善而貴之也此亦云書曰司馬華

君

孫貴之何故惡而貴之也劉炫又難云此為不知其非儀父豈亦魯不知其非而貴之乎孔子修春秋裁其得失定其褒貶善惡彰於其篇臧否示於來世若魯人所善亦善之所惡亦惡之已無心於抑揚遂逐魯人之善惡筆削之勞何所施用約之以理豈其然哉其官皆從謂共聘之官無闕當有留治政者豈舉朝盡行而責其空官也若以官從即責空官聘禮官屬不少豈周公妄制禮乎公與之宴辭曰君之先臣督得罪於宋殤公名在諸侯之策臣承其祀其敢辱君耦華督曾孫也督弑殤公在桓二年耦自以罪人子孫故不敢屈辱魯公對共宴會請承命於亞旅亞旅上大夫也○亞於亞旅上○  
正義曰尚書牧誓武王呼羣官而誓曰司徒司馬司空亞旅孔安國云亞次也旅衆也衆大夫其位次卿

春秋左傳卷之九十一  
二十七  
及古閣



成二年傳魯賜晉三帥三命之服侯正亞旅受一命之服皆卿後即次亞旅知是上大夫也華孫不敢當君請受上大夫之宴魯人以為敏

敏魯人以為敏明君子所不與也魯人魯鈍之人

○夏曹伯來朝禮也諸侯五年再相朝以修王命古

之制也十一年曹伯來朝雖至此乃來亦五年傳

為冬齊侯伐曹張本諸侯至制也○正義曰周禮

相問也殷相聘也世相朝也鄭玄云父死子立曰世凡諸侯相朝皆小國朝於大國或敵國相為賓或彼君新立此往朝焉或此君新即位自往朝彼皆是世相朝也襄元年邾子來朝傳曰凡諸侯即位小國朝之是此新立而彼朝之也文九年曹伯襄卒十一年曹伯來朝傳曰即位而來見也是彼新立而朝此也

事

則知春秋之時猶有世相朝法與周禮合也周禮諸侯邦交唯有此法但禮文殘缺未知古是何時鄭玄云必是古有此法但禮文殘缺未知古是何時鄭玄云古者據今而述前代之言夏殷之時天子蓋六年一巡狩諸侯間而朝天子其不朝者朝罷朝五年再相朝者似如此然則古者據今時而道前世自不必皆道前代傳稱古者越國而謀非謂前代之人有此謀也古人有言非謂前代之人有此言也詩云我思古人非思夏殷之人也此云古者亦非必夏殷鄭言夏殷禮非也僖十五年公如齊杜云諸侯五年再相朝禮也引此證彼則是當時正法非謂前代禮也或人見僖公朝齊杜引此為證遂言五年再相朝是時霸主之法然則魯非霸主曹伯何以朝之曹豈推魯為霸王制為此法天子不衰諸侯無霸明德天子豈慮世衰霸王威權不行而為之制此法歐諸侯以朝之此不達理之言耳然則諸侯之邦交者將以協近鄰結恩好安社稷息民人土宇相望竟界連接一世一朝



疎闊大甚其於間天之年必有相朝之法周禮言世  
相朝者以其一舊一新彼此未狎於此之際必須往  
朝舉其禮之大者不言唯此事五年再相朝正是  
周禮之制周禮文不具耳文襄之霸其務不煩諸侯  
以五年再朝往來大數更制三年一聘五年一朝所  
以說諸侯也五年一朝者亦謂朝大國耳且彼因說  
弔葬非獨霸主之喪明使諸侯相共行此禮也霸王  
遭時制宜非能創制改物諸侯或從時令或率舊章  
此在文襄之後仍守舊制故五年再相朝也傳言古  
之制以文襄已改故也昭十三年歲聘間朝是周之  
諸侯朝天子之法故釋例引之云明王之制歲聘以  
志業以解朝聘之數尚書周官六年五服一朝孔傳  
云一朝會京師是再朝而會周之正禮也若然大行  
人云侯服一歲一見甸服二歲一見男服三歲一見  
采服四歲一見衛服五歲一見要服六歲一見何於  
服數朝者大行人所云謂貢物而見或君自至或遣  
臣來除此貢物之外別有朝會之禮沈氏以為諸侯  
五年再相朝及昭十三年皆為朝牧伯之法以間朝

以講禮與再朝而會是三歲之朝與六年之朝大率  
言之是五年之內再相朝也但魯非曹之伯國而沈  
云朝牧伯之禮又昭十三年朝盟主○齊人或為孟  
之法亦無明證沈氏之言未可從也○齊人或為孟  
**氏謀**孟氏公孫敖家慶父為長庶故或稱孟氏長○  
丁丈反孟氏至孟氏○正義曰公孫敖慶父之子  
適自稱為仲以其實是長庶故時人或稱孟氏  
**曰魯爾親也飾棺寘諸堂阜**  
**堂阜**齊魯竟上地飾棺不殯示無所歸○寘之豉  
殯必反龍帷黼荒火三列黻三列素錦褚加帷荒纁  
紉六大夫畫帷畫荒火三列黻三列素錦褚纁纁二  
玄紉二鄭玄云飾棺者以華道路及墳中不欲使眾  
惡其親也荒蒙也在旁曰帷在上曰荒皆所以衣柳  
也士布帷布荒君大夫加文章焉黼荒緣邊為黼文

春秋左傳

卷之二十九

及左傳



畫荒緣邊為雲氣火燄為列於其中耳褚以襯覆棺  
乃加帷荒於其上紐所以連結帷荒者也禮之飾棺  
惟有此耳齊人教之飾棺蓋依此大夫之制而為之  
飾置諸堂阜故為不殯示無所歸冀魯人哀之也沈  
氏云飾棺即雜記云諸侯死於道其輜有襜緇布裳  
帷素錦以為屋而行大夫死於道以布為輜而行義  
或當魯必取之從之卞人以告國卞人魯卞邑大夫

然卞皮國卞人至大夫正義曰治邑大夫例呼  
彥反國為孔子父為鄆邑大夫謂之鄆人知此  
卞人是卞邑大夫其邑近惠叔猶毀以為請國敖卒

則惠叔請之至今期年而猶未已毀過喪禮其反

國敖卒至喪禮正義曰敖卒已向周年猶尚毀  
以為請知敖卒即請至今未已也傳言猶毀是不  
復應毀故知毀過喪禮也劉炫云敖去年九月卒至  
今年夏據月未匝不得稱期年今知非者杜以傳云

設

惠叔猶毀據日月之久欲盛言其遠故云期年但首  
尾二年亦得為期年之義劉以未周十二月而規杜  
氏非立於朝以待命許之取而殯之國殯於孟氏之

寢終叔服之言齊人送之書曰齊人歸公孫敖之喪

為孟氏且國故也國為惠叔毀請且國之公族故聽

其歸殯而書之偽反葬視共仲國制如慶父皆以

罪降音恭聲已不視帷堂而哭國聲已惠叔母怨敖

從莒女故帷堂音紀國帷堂正義曰檀弓云尸未

大斂之節又帷堂以至於殯恒帷堂雜記云朝夕哭

則不帷今聲已恨穆伯故朝夕哭仍帷堂檀弓又云

帷殯非古自敬姜之哭穆伯始也與此相類也敬姜  
者穆伯妻文伯歎之母也穆伯季悼子之子公甫靖



終

母音無

補

孫

春秋

卷九

終

與教非襄仲欲勿哭一人怨教取其妻惠伯曰喪親之

終也國惠伯叔彭生雖不能始善終可也史佚有言

曰兄弟致美國各盡其美義乃繼音逸救乏賀善弔

災祭敬喪哀情雖不同毋絕其愛親之道也子無失

道何怨於人襄仲說帥兄弟以哭之他年其二子來

國敖在莒所生說祭敬至道也正義曰祭敬

敬也喪哀者謂兄弟死喪之事竭其哀也情雖不同

謂內相怨恨情雖不能和同當無絕其愛是相親之

也孟獻子愛之聞於國國獻子穀之子仲叔蔑音問

或如字下同或譖之曰將殺子獻子以告季文子二

古

子曰夫子以愛我聞我以將殺子聞不亦遠於禮乎

遠禮不如死一人門于句躄一人門于戾丘皆死國

句躄戾丘魯邑有寇攻門二子禦之而死遠于萬

七侯反躄又作龜國句躄至而死正義曰句躄

莫幸反戾力計反國戾丘有寇攻門不書者服虔云

魯國中小寇非異國六月辛丑朔日有食之鼓用牲

于社非禮也國得常鼓之月而於社用牲為非禮國

國得常至非禮正義曰此與莊二十五年經文正

同彼傳云非常此傳云非禮者彼失常鼓之月言鼓

之為非常此得常鼓之月而用牲為非禮彼云六月

實是七月傳因日月之變以起時歷之誤故釋例曰

文十五年與莊二十五年經文皆同而更復發傳曰

非禮者明前傳欲以審正陽之月後傳發例欲以明

春秋

卷九下三十一



諸侯之禮而用牲為非禮也此乃聖賢之微旨而先儒所未喻也是解二傳不同之意

**天子不舉** 去盛饌 ○去起呂反 **日有食** ○正義曰周禮

膳夫掌王之食飲膳羞以養王及后世子王日一舉鼎十有二物皆有俎天地有災則不舉鄭玄云殺牲

盛饌曰舉今云天子不舉是去盛饌貶膳食也 **伐鼓于社** 責羣陰伐猶擊

也 **社** ○正義曰郊特牲云社祭也 論語云鳴鼓而攻之伐鼓者是攻責之事故云責羣

陰也日食者陰侵陽故責陰以救日孔安國尚書傳云凡日食天子伐鼓于社責上公然則社以上公配

食天子伐鼓責羣陰亦以責上公也 **諸侯用幣于社** 社尊于諸侯故

請上公亦以請羣陰也互相備也 **諸侯用幣于社** 社尊于諸侯故

請救而不敢責之 **社** 社尊至責之 ○正義曰昭二十九年傳曰封為上公祀為貴

神社稷五祀是尊是奉是社為上公之神尊於諸侯禮用幣者皆是告請神明之事以社尊故用幣請救而不敢攻責也陰侵陽而**伐鼓于朝** 退自責以昭

**事神訓民事君** 天子不舉諸侯用幣所以事神尊

卑異制所以訓民 **社** 天子至訓民 ○正義曰天子

畏敬神明乃自貶損徹膳不舉亦是 **示有等威古之**

**道也** 等威威儀之等差 ○差初佳反 **齊人許單**

**伯請而赦之使來致命** 以單伯執節不移且畏晉

**故許之書曰單伯至自齊貴之也** 單伯為魯拘執

既免而不廢禮終來致命故既而告廟 ○為于僞反

貴



俱音○新城之盟在前年蔡人不與○與

下晉郤缺以上軍下軍伐蔡兼帥二軍曰君弱不

可以怠怠解也○解佳賁反戊申入蔡以城下之盟而

還凡勝國曰滅之勝國絕其社稷有其土地○還

獲大城焉曰入之得大都而不有○正義曰此

傳已發凡例襄十三年復發傳云用大師曰滅弗地

曰入再發例者兵之所加不可細舉故舉舊策之典

以例而言用大師起大衆重力以陷敵因而有之故

弗有故直以出入為辭曰入之而已城不包○秋齊

人侵我西鄙故季文子告于晉○冬十一月晉侯宋

足利本蔡侯下有  
陳侯

公衛侯蔡侯鄭伯許男曹伯盟于扈尋新城之盟且

謀伐齊也齊執王使且數伐魯○使所吏反下齊

人賂晉侯故不克而還於是有齊難是以公不會王使同數音朔

明今不序諸侯不以公不會故難乃且書曰諸侯

盟于扈無能為故也惡受其賂不能討齊○惡烏

凡諸侯會公不與不書諱君惡也謂國無難不會

義事故為惡不書謂不國別序諸侯與而不書後也

謂後期也今貶諸侯以為公諱故傳發例以明之

偽反為于○凡諸至後也○正義曰七年公會諸侯晉

似



發例云凡會諸侯不書所會後也後至不書其國辟  
 不敏也彼乃義事而君後期諱君之惡故總稱諸侯  
 此亦總稱諸侯不書非公之罪而經文相似傳辯諸  
 嫌故更復發例而以善形惡凡諸侯為義事聚會而  
 公不與則不歷書諸國諱君惡也若公實與會而亦  
 不書諸國為公後期也即七年扈之盟是也今於此  
 會受賂舍罪致使魯有齊患公雖不與非公之罪經  
 與後期文同似為公諱故傳發例以明之此魯公雖  
 不與非公惡也 ○齊人來歸子叔姬王故也 單伯雖見執

能守節不移終達王命使叔姬得歸 ○齊侯侵我西

鄙謂諸侯不能也 不能討已遂伐曹入其郭討其

來朝也 此年夏朝季文子曰齊侯其不免乎已則

無禮 執王使而伐無罪 使所吏反而討於有禮者

曰女何故行禮禮以順天天之道也已則反天而又

以討人難以免矣詩曰胡不相畏不畏于天 詩小

雅 ○女音汝相息 曰女至道也 ○正義曰言曰者

曰女何故行禮謂責於朝魯也天道以卑承尊人道

以順天是天道也 ○詩曰至于天 ○正義曰此詩

上下何以不相畏乎女上下 君子之不虐幼賤畏于

天也在周頌曰畏天之威于時保之 詩周頌言畏

天威于是保福祿不畏于天將何能保以亂取國奉

禮以守猶懼不終多行無禮弗能在矣 為十八年







此

天子頒朔於諸侯諸侯受而藏之於祖廟每月之朔以特羊告廟受而施行之遂聽治此月之政謂之視朔因以其日又以朝享之禮祭皇考以下謂之朝廟此年公疾自二月至於五月已經四月不得視朔故書公四不視朔傳稱正月及齊平公有疾使季文子會齊侯則正月初疾不得視二月朔至五月而四故知不得視二月三月四月五月朔也春秋十二公二百四十二年計有三千餘月公以疾不視朔當非一也餘皆不書而此獨書者公身有疾不得視朔國事不廢義無所取因此齊侯疑公故特舉此以表行事餘皆從可知也釋例曰魯之羣公以疾不視朔多矣因有事而見一比猶釋不朝正之義是其事也又於時齊侯不信公實有疾書此者且明公實有疾非詐齊也史之所書當書其始不於二月書之而以五月書者二月公始有疾未知來月瘳否不得豫書其數至六月公瘳乃積前數之闕故以五月書四也昭二十三年公如晉至河有疾乃復彼書有疾此不言有疾者在道而還容有他故昭十二年十三年公如

晉至河乃復皆為晉人辭公而還非為疾也故須書有疾以辯之公不視朔惟有疾耳無所分辯故不書疾也告朔謂告於祖廟視朔謂聽治月政視朔由公疾而廢其告朔或有司告之不必廢也論語云子貢欲去告朔之餼羊必是廢其禮而羊在蓋從是以後更有不告朔者故欲去其羊耳六年閏月不告月書經以譏之在後若不告朔不復書之者蓋以閏月不告其譏已明故於後不復譏之閏二年吉禘于莊公已譏其速文二年大事于太廟不復譏之當亦如彼之類不重譏也

六月戊辰公子遂及齊侯盟于鄆丘信公疾且以賂

故鄆丘齊地。鄆音西又七西反

秋八月辛未夫人姜氏薨僖公夫人文公母也

毀泉臺。泉臺臺名毀壞之也。壞音怪

春秋左傳卷之二十一 昭十二年 及古閣



楚人秦人巴人滅庸

○巴必麻反

冬十有一月宋人弑其君杵臼

稱君君無道也例在

宣四年 ○杵昌呂反

傳十六年春王正月及齊平

齊前年再伐魯魯為

受弱故平 ○為干偽反 公有疾使季文子會齊侯于陽穀

請盟齊侯不肯曰請侯君聞 間疾瘳○間如字瘳救周反差也

○夏五月公四不視朔疾也公使襄仲納賂于齊侯

故盟于鄆丘○有蛇自泉宮出入于國如先君之數

伯禽至僖公十七君○伯禽至僖公十七君史記魯世家魯公伯禽子考公酋

人

弟煬公熙子幽公宰弟魏公費子厲公躍子鄭公具

子順公湏弟武公敖子懿公獻弟孝公稱子惠公弗

僖公申十七也魏公世本作微公順公一作慎公

伯禽至七君○正義曰魯世家魯公伯禽子者公

酋弟煬公熙子幽公圉弟微公潰子厲公擢弟獻公

具子順公湏弟武公敖子懿公戲弟孝公稱子惠公

弗皇子隱公息姑弟桓公允子莊公同子閔公開兄

僖公數之為十七君也秋八月辛未聲姜薨毀泉臺

魯公以為蛇妖所出而聲姜薨故壞之○壞音怪

臺○正義曰蛇自宮出而毀其臺則臺在宮內人見

從宮而出毀臺并毀其宮也○魯公至壞之○正

義曰人見蛇出而姜薨以為臺是妖之穴仍謂此處

有妖更將為害毀之所以絕其源安民意也故釋例

曰眾蛇自泉臺出如先君之數入於國聲姜之薨適

與妖會而國以為災遂毀泉臺書毀而不變文以示

春秋

卷之三十三

及古



義者君人之心一國之俗須此為安故不譏也以不變文知不譏也不書蛇入國者鸚鵡非魯國之有故書其所無蛇是魯地所有姜薨不

由此蛇凡物不為災則不書也 ○楚大饑戎伐其西南至于阜山師于大林又伐其東南至于陽丘以

侵訾枝戎山夷也大林陽丘訾枝皆楚邑 ○饑音

機訾子稱則曰東夷西戎南蠻北狄其當處立名

則各從方號故北戎病燕齊侯伐山戎北方得有戎

故楚西亦有戎戎是山間之民夷為四方總號故云戎山庸人帥羣蠻以叛楚

庸今上庸縣屬楚之小國麋人率百濮聚於選將伐楚

選楚地百濮夷也 ○正義 ○麋九倫反濮音卜

選息衮反又息總反 曰將欲伐楚聚於此地故知是楚地也牧訾武王伐紂有庸濮從之孔安國云庸濮在江漢之南是濮為西南夷也釋例曰建寧郡南有濮夷濮夷無君長總統各以邑落自聚故稱百濮也下云各走其邑是無君長統之 於是申息之北門不啓

備中國 申息之北門不啓 ○正

寇比從北來故二 楚人謀徙於阪高 楚險地

一音扶 版反 為賈曰不可我能往寇亦能往不如伐庸夫

麋與百濮謂我饑不能師故伐我也若我出師必懼

而歸百濮離居將各走其邑誰暇謀人乃出師旬有

五日百濮乃罷 濮夷無屯聚見難則散歸

徒門反聚才住反又如 自廬以往振廩同食 往



伐庸也振發也廩倉也同食上下無異饌也廬力於反又

音盧廩力甚反次于句滋楚西界地句古侯反使廬戢

黎侵庸戰黎廬大夫及庸方城方城庸地上庸

縣東有方城亭庸人逐之囚子揚窗窗戰黎官屬

江反三宿而逸曰庸師衆羣蠻聚焉不如復大師

還復句滋師且起王卒合而後進師叔曰不可

師叔楚大夫潘圻也卒子忽反姑又與之遇以驕

之彼驕我怒而後可克先君蚡冒所以服陘隰也

蚡冒楚武王父陘隰地名可克或作可擊蚡扶粉反冒莫報反史記楚世家

云蚡冒卒弟熊達殺蚡冒子而代立蚡冒至地是為楚武王與杜異陘音刑隰音習

劉炫云按楚世家蚡冒卒弟熊達殺蚡冒子而代立名正義曰

是為楚武王則蚡冒是兄不得為父今知不然者以蚡冒至地

世家之文多有紕繆與經傳異者非是一條杜氏非蚡冒至地

不見其文但見而不用耳劉以世家而規杜非也言蚡冒至地

服陘隰則陘隰本是他國蚡冒始服之也釋例陘隰蚡冒至地

與僖四年次于陘為一地潁川召陵縣南有陘亭楚蚡冒至地

自武王始居江漢之間則蚡冒之時未至中蚡冒至地

土不應已能越申息服潁川之邑疑非也又與之蚡冒至地

遇七遇皆北軍走曰北唯裨儵魚人實

逐之裨儵魚庸三邑魚魚復縣今巴東永安縣輕

楚故但使三邑人逐之裨婢支反庸人曰楚不足

與戰矣遂不設備楚子乘驛會師于臨品驛傳車

驛驛傳車

駟下注疏及音義皆同



也臨品地名○驛人實反傳丁戀反釋言云驛傳也舍人曰

驛尊者之傳也郭璞曰傳車驛馬之名也分為二隊隊部也兩道攻之

○隊徒對子越自石溪子貝自仞以伐庸子越鬪

反註同椒也石溪仞入庸道○溪苦兮反本又作谿貝浦蓋

反秦人巴人從楚師羣蠻從楚子盟蠻見楚強故

遂滅庸傳言楚有謀臣所以興○宋公子鮑禮於

國人鮑昭公庶弟文公也○鮑步卯反宋饑竭其粟而

貸之年自七十以上無不饋詒也時加羞珍異羞

進也○上時掌反饋其媿反詒以支反又以志反遺也無日不數於六卿之

門○數音朔註同國之材人無不事也有賢材

者親自桓以下無不恤也桓鮑之曾祖恤也○宋公至

正義曰禮於國人總言接待之也竭其粟而貸與國

之名也禮與人物曰饋詒遺也饋詒皆是與人物

謂非常美食羞進也時加進珍異者謂四時初出珍

異之物也無有一日不數數於六卿之門言參請不

絕也國之賢材之人無不事公子皆事之也其族親

自桓公以下子孫無不公子鮑美而豔襄夫人欲通

之鮑適祖母適丁歷反豔以驗反而不可以禮防閑夫

人助之施昭公無道國人奉公子鮑以因夫人於是

華元為右師華元督曾孫代公子成○施式豉反華

一無夫人二字乃自



曠

其

元督曾孫。正義曰：世本云：華督生世子公孫友為家。家生華孫御事，事生華元右師，是也。

左師華耦為司馬。代公子申鱗鱓為司徒。蕩意諸

為司城。公子朝為司寇。代華御事。鱗古亂，初司

城蕩卒。公孫壽辭司城。壽蕩之子，請使意諸為之。

意諸壽之子，既而告人曰：君無道，吾官近懼及焉。

禍及已，棄官則族無所庇。子身之貳也，姑紆死焉。

姑且也，紆緩也。庇必利反，又悲位反，紆音舒。雖亡子，猶不亡族。

已在故也。既夫人將使公田孟諸而殺之，公知之。

盡以寶行蕩意諸曰：盍適諸侯。公曰：不能具大夫，至

尺

于君祖母以及國人。君祖母，諸侯祖母之稱，謂襄

夫人。盍戶臘反。六年傳：蒯賁告周云：蒯賁得罪

于君父，君母謂母為君母，則祖母為君祖母矣。故云

君祖母者，諸侯祖母之稱也。昭公成公之子，襄公之

孫，故襄夫人。諸侯誰納我，且既為人君，而又為人臣，

不如死，盡以其寶賜左右，以使行。行去也。夫人使

謂司城去，公對曰：臣之而逃，其難若後君何。言無

以事後君。難乃。冬十一月甲寅，宋昭公將田孟

諸未至，夫人王姬使帥甸攻而殺之。襄夫人周襄

王妹，故稱王姬。帥甸，郊甸之帥。甸徒。襄夫人至

春秋疏 卷之二十七 及古閣

婦 遍



義曰周禮載師云以宅田士田賈田任近郊之地以  
 官田牛田賞田牧田任遠郊之地以公邑之田任甸  
 地以家邑之田任稍地以小都之田任縣地以大都  
 之田任疆地凡任地近郊十一遠郊二十而三甸稍  
 縣都皆無過十二彼從國都而出計遠近節級而別  
 為之名鄭玄引司馬法王國百里為郊二百里為州  
 甸三百里為野稍四百里為縣五百里為都諸侯之  
 與天子竟雖不同亦當近國為郊外為甸天子之  
 甸為公邑之田則諸侯之甸亦公邑也帥甸者甸地  
 之帥當是公邑之大夫也獨言帥甸無以相明故舉  
 類言之云郊甸之帥其實正蕩意諸死之國不書不  
 是甸地之帥非郊地之帥也

**告書曰宋人弑其君杵臼君無道也**始例發於臣  
 之罪今稱國人故重明君罪○重直**國**始例至君  
 宣四年傳例曰凡弑君稱君君無道也稱臣臣之罪  
 也彼是弑君大例經下註云例在宣四年指彼例也

彼雖在此之後乃是例之初始故謂彼為始例彼因  
 歸生弑君而發傳例是始例發於臣之罪也此稱宋  
 人弑其君文異於彼故重明君罪謂與彼例為重  
 也釋例曰鄭靈宋昭文異而例同重發以同之

**公即位使母弟須為司城**代意諸華耦卒而使蕩  
 虺為司馬國虺意諸之弟○虺況  
 鬼反

**經十有七年春晉人衛人陳人鄭人伐宋**自閔僖以  
 下終於春秋陳侯常在衛侯上今大夫會在衛下傳  
 不言陳公孫寧後至則寧位非上卿故也國自閔  
 至故也

○正義曰釋例班序譜自隱至莊十四年四十三歲  
 衛與陳凡四會衛在陳上莊十五年盡僖十七年三  
 十五歲凡八會陳在衛上莊十六年幽盟之下註云  
 齊桓始霸楚亦始疆陳侯介於二大國之間而為三



格之官故齊桓因而進之遂班在衛上終於春秋但齊桓升陳於衛上乃在莊之中年不得以莊為始故云自閔僖以下終於春秋陳侯常在衛上也今此大夫會伐宋貶之稱人而陳在衛下襄二十六年澶淵之會傳稱宋向戌後至退在鄭良霄之下此傳具歷序大夫之名不言公孫寧以後至被退成三年傳曰次國之上卿當大國之中中當其下下當其上大夫彼言大夫位有尊卑次序以之升降則公孫寧位非上卿故降在衛下也檢春秋上下亦有後至無傳而杜云後至者則秦小子憖是也案彼則公孫寧未必非後至但杜弘通兩解故云非上卿耳

夏四月癸亥葬我小君聲姜

齊侯伐我西鄙

**西**當為北蓋經誤

**西**當為北蓋經誤北出註

北蓋經誤。正義曰經言西鄙傳言北鄙服虔以為再來伐魯西鄙書北鄙不書諱仍見伐按經十五年

秋齊人侵我西鄙冬齊侯侵我西鄙僖二十六年春齊人侵我西鄙夏齊人伐我北鄙皆仍見侵伐書而不諱此何獨諱而不書凡言諱者諱國惡也齊侯無道而伐我我非有惡而可諱何以諱其仍伐故知正是一事經文誤耳知非傳誤者魯求與平即盟于穀穀是濟北穀城縣也穀在魯北知北鄙是也

月癸未公及齊侯盟于穀

諸侯會于扈昭公雖以無道見弑而文公猶宜以弑

君受討故林父伐宋以失所稱人晉侯平宋以無功

不序明君雖不君臣不可不臣所以督大教

音試者昭公至大教正義曰弑君稱君君之罪

下同者欲以懲創人君使為鑒戒不書弑者之名



夫楊十二年六月三日杜預子家句恐非也名地句

者所以督大教太教  
謂尊君卑臣之教也

秋公至自穀無傳

冬公子遂如齊

傳十七年春晉荀林父衛孔達陳公孫寧鄭石楚伐

宋討曰何故弑君猶立文公而還卿不書失其所也

○齊侯伐我北鄙

襄仲請盟六月盟于穀晉不能救魯故請服○晉

侯蒐于黃父一名黑壤晉地遂復合諸

侯于扈平宋也傳不列諸國而言復合則如上十

五年會扈之諸侯可知也○復扶又公不與會齊難

故也書曰諸侯無功也刺欲平宋而復不能○與

於是晉侯不見鄭伯以為貳於楚也鄭子家使執訊

而與之書以告趙宣子執訊通訊問之官為書與

宣子○訊使執訊而與之書正義曰使執訊使

宣子音信之行適晉也與之書與此執訊書令特

以告曰寡君即位三年魯文二年召蔡侯而與之

事君九月蔡侯入于敝邑以行行朝晉也敝邑以

侯宣多之難寡君是以不得與蔡侯偕宣多既立

持



穆公恃寵專權音皆十一月克滅侯宣多而隨蔡侯

以朝于執事音皆減損也難未盡而行言汲汲于晉朝

音汲十二年六月歸生佐寡君之嫡夷音歸歸生子家

名夷大子名音歷嫡丁以請陳侯于楚而朝諸君音請請

陳于楚與俱朝晉十四年七月寡君又朝以歲陳事

音歲歲敕也敕成前好音呼報反一本作事音歲歲敕也

傳為然賈服皆云歲敕也十五年五月陳侯自敝

邑往朝于君往年正月燭之武往朝夷也音將將夷往

晉朝八月寡君又往朝以陳蔡之密邇於楚而不敢

貳焉則敝邑之故也音密邇比近也音志反雖敝邑

之事君何以不免音免免罪也在位之中一朝于襄

音襄襄公音遙遙反而再見于君音君君靈公也音遍遍反

音一一朝至于君音正正義曰鄭穆公以僖三十三年即位

晉襄公以文公六年卒一朝于襄三年十一月也再

見于君十四年七月往年八月也或者十四年七月

寡君又朝敕成陳事再見于君謂往年正月燭之武

往朝夷八月寡夷與孤之二三臣相及於絳音孤孤之

君又朝是也音絳絳晉國都音孤孤之二

二三臣謂燭之武歸生自謂也絳晉國都音孤孤之二

正義曰禮諸侯與臣民言自謂寡人小國之君自稱

曰孤臣與他國之人言稱已君為寡君此歸生對晉

稱已君當云寡君之二三臣昭十九年子產對晉人

云寡君之二三臣札瘥天昏是其事也此言孤者蓋

春秋左傳卷之二十一



鄭伯身自對晉或自稱孤雖我小國則蔑以過之矣

歸生因即以孤言其君也

今大國曰爾未逞吾志敝邑有亡無以加焉古人有

言曰畏首畏尾身其餘幾言首尾有畏則身中不

畏者少豈反又曰鹿死不擇音音所秣蔭之處

古字聲同皆相假借蔭於鳴反音所至假借

云鹿秣蔭也舍人曰庇蔽也秣依止也郭璞口今俗

呼樹蔭為秣杜意言本當作蔭古字聲同皆相假借

故傳作音言鹿死不擇庇蔭之處喻已不擇所從之

國欲從楚也服虔云鹿得美草呦呦相呼至於困迫

將死不暇復擇善音急之至也劉炫從服說以為音

聲謂不擇音聲而出之而難杜今知不然者以傳云

鋌而走險急何能擇言走險論其依止之處以其怖

急得險則停不能選擇寬靜秣蔭之所傳文所論止

言其出處所在不論音聲好惡故杜

不依服義劉以為音聲而規杜非也小國之事大國

也德則其人也以德加已則以人道相事不德則

其鹿也鋌而走險急何能擇鋌疾走貌言急則欲

蔭芘於楚如鹿赴險又悲位反本或作秣疾走

貌正義曰鋌文命之罔極亦知亡矣言晉命無

連走故為疾走貌極將悉敝賦以待於儵唯執事命之儵晉鄭之竟

言欲以兵距晉文公二年六月壬申朝于

齊鄭文二年六月壬申魯莊二十三年六月二十

四日四年二月壬戌為齊侵蔡魯莊二十五年二

春秋左傳卷之三十一

齊

齊

齊



月無壬戌壬戌三月二十日

○為于偽反

亦獲成於楚

○

鄭與楚成居大國之間而從於強令豈其罪也

號令也大國若弗圖無所逃命晉鞏朔行成於鄭趙

穿公壻池為質焉

○

趙穿卿也公壻池晉侯女壻

九勇反質音致下同

○秋周甘歆敗戎于邠垂乘其飲酒也

歆周大夫邠垂周地河南新城縣北有垂亭為成元年晉侯平戎于王張本

○冬十月鄭大

○歆昌欲反邠於審反

子夷石楚為質于晉

夷靈公也石楚鄭大夫

○襄

仲如齊拜穀之盟復曰臣聞齊人將食魯之麥以臣

音

觀之將不能齊君之語偷臧文仲有言曰民主偷必

死

○偷猶苟且

○偷他侯反

經十有八年春王二月丁丑公薨于臺下

秦伯罃卒

○罃於耕反

夏五月戊戌齊人弑其君商人

不稱盜罪商人

○稱盜罪商人○正義曰弑君稱臣臣之罪賤臣弑君則稱盜哀四年盜殺蔡侯申是也盜字當臣名之處

以賤不得書名變文謂之盜耳此弑商人者邢歌闕職亦應書盜不稱盜弑者罪商人今從弑君稱君之

也例  
六月癸酉葬我君文公



秋公子遂叔孫得臣如齊書二卿以兩事行非相為

介音界使不書介僖二十六年公子遂臧孫辰如

楚乞師書遂不書辰是其正也襄十四年季孫宿叔老竝書之者晉人敬之自爾以後晉人輕魯幣而益敬其使故特兩書之於法不應書也此傳稱惠公立故且拜葬是以兩事行非相為介故竝書之耳定六年季孫斯仲孫何忌如晉傳稱桓子獻鄭俘孟孫報夫人之幣亦以兩事行故竝書之但彼非是同時受命經應各自為文但以晉人輕之故不各自別書與此意少異也

冬十月子卒先君既葬不稱君者魯人諱弒以未成

君書之子在喪之稱弒申志反本又先君至

義曰齊公子商人弒其君舍以先君既葬故稱君也此亦先君既葬不稱君者魯人諱弒成君以未成君

舒字疑

書之也子者葬前在喪之稱也若言猶在喪而自卒然諱之也釋例曰公子惡魯之正適嗣位免喪則魯君也襄仲舒倚齊而弒之國以為諱故不稱君若言君之子也

夫人姜氏歸于齊

季孫行父如齊無傳

莒弒其君庶其稱君君無道也稱君君無道也

商臣弒君言世子此傳稱大子僕因國人以弒紀公不稱世子而稱臣者以見君無道傳言多行無禮於國是其無道之狀十六年宋人弒其君杵臼稱國又稱人此直云莒弒其君庶其不稱人者釋例曰劉賈許穎以為君惡及國朝則稱國以弒君惡及國人則稱人以弒按傳鄭靈宋昭經文異而例同故重發以同之子弒其父又嫌異於他臣亦重明其不異既不碎辯國之與人而傳云莒紀公多行無禮於國大子



僕因國人以弑之經但稱國不稱人知國之與人雖言別而事同也

傳十八年春齊侯戒師期將以伐魯而有疾醫曰

不及秋將死公聞之卜曰尚無及期尚庶幾也欲

令先師期死令力呈反先惠伯令龜以卜事告

龜視高命龜鄭玄云命龜告龜以所卜之事士喪

禮卜葬命龜云哀子某來日某卜葬其父某甫考降

無有述悔如此之類是令龜之辭也令者告令使知其意與

命同也卜楚丘占之曰齊侯不及期非疾也君亦不

聞言君先齊侯終令龜有咎言令龜者亦有凶

咎見於卜兆為惠伯死張本見賢二月丁丑公薨

○齊懿公之為公子也與邠歌之父爭田弗勝及即

位乃掘而刖之斷其尸足邠音丙又彼病反歌

月反刖音月又五而使歆僕僕御也納閭職之妻

而使職駟乘駟乘陪乘繩證反註同夏五月

公游于申池齊南城西門名申門齊城無池唯此

門左右有池疑此則是二人浴于池歆以扑扶職

扑箠也扶擊也欲以相感激作木邊非也扶救乙反

箠市榮反又之職怒歆曰人奪女妻而不怒一扶女

庸何傷職曰與剛其父而弗能病者何如言不以



父則為病恨。音汝乃謀弑懿公，納諸竹中，歸舍爵而

行。音汝飲酒訖，乃去。言齊人惡懿公，二人無所畏。音赦

置也惡齊人立公子元。桓公子惠公○六月，葬文

公。○秋，襄仲、莊叔如齊，惠公立，故且拜葬也。襄仲

賀惠公立，莊叔謝齊來會葬。○文公二妃敬嬴、生宣

公，敬嬴嬖而私事襄仲，宣公長而屬諸襄仲，襄仲欲

立之，叔仲不可。叔仲惠伯○嬴音盈，嬖必計反仲

見于齊侯而請之，齊侯新立而欲親魯，許之。見賢

襄仲至許之。正義曰：惡是齊甥，齊侯許廢惡者，惡以世適嗣立，不受齊恩，宣以非分得國，苟思必

厚齊侯新立欲親魯為援故許之○冬十月，仲殺惡及視而立宣公

也。仲以君命召惠伯，詐以子惡命。詐至惡命

因殺惡之下即云而立宣公其實宣公之立當在惠伯死後惡雖已死未告外人故詐以子惡之命召惠

伯使人公冉務人疑其宮內有變謂非子惡之命故云入必死耳亦未是審知惡已死也其宰公

冉務人止之曰：「人必死，叔仲曰：『死君命可也。』公冉務

人曰：「若君命可死，非君命何聽？弗聽，乃入殺而埋之。」

馬矢之中。惠伯死不書者，史畏襄仲，不敢書殺惠

伯○聽吐公冉務人奉其帑以奔蔡，既而復叔仲氏

伯定反



不絕其後。○夫人姜氏歸于齊，大歸也。**惡視**之

母出姜也，嫌與有罪出者異，故復發傳。○復扶將行。

哭而過市曰：天乎！仲為不道，殺適立庶，市人皆哭。魯

人謂之哀姜。**所謂**出姜不允於魯。○過古禾反，又

反。○莒紀公生大子僕，又生季佗，愛季佗而黜僕，且

多行無禮於國。**紀號**也。莒夷無諡，故有別號。○佗徒何

反。僕因國人以弑紀公，以其寶玉來奔，納諸宣公。公

命與之邑，曰：今日必授。季文子使司寇出諸竟，曰：今

日必達。**未見公**，而文子出之，故來不書。○竟首境公問

其故。季文子使大史克對曰：先大夫臧文仲教行父

事君之禮，行父奉以周旋，弗敢失隊，曰：見有禮於其

君者，事之如孝子之養父母也。見無禮於其君者，誅

之如鷹鷂之逐鳥雀也。先君周公制周禮，曰：則以觀

德。**則法也**，合法則為吉德。○大史音泰，隊直類反

之然反，說文止仙。如鷹鷂之逐鳥雀。○正義曰：釋

反字林已仙反。鳥云：鷹來鳩，郭璞曰：來當為爽。

字之誤耳。左傳作爽鳩是也。又云：晨風鷂，舍

人曰：晨風名鷂鷂鷂鷂名郭璞曰：鷂屬也。德以處

事。處猶制也。事以度功。度量也。○度待洛反功

以食民。食養也。○食音作誓，命曰毀，則為賊。誓



要信也。毀則壞法也。音怪掩賊為藏。音匿掩匿也。女乙

及竊賄為盜。音賄賄財也。盜器為姦。音器器國用也。主藏

之名。音名以掩賊為名。賴姦之用。音用用姦器也。為大凶

德有常無赦。音德刑有常在。九刑不忘。音刑誓命以下皆

九刑之書。九刑之書今亡。音亡先君至不忘。正義曰

謂制禮之時有此語為此誓耳。此非周禮之文亦無

誓命之書。在後作九刑者。記其誓命之言。著於九刑

之書耳。德者得也。自得於心。心之所得。有惡有善。欲

知善惡。以法觀之。合法則為善德。不合法則為凶德。故曰則以觀德也。既有善德。乃能制斷事宜。故曰德以處事也。既為其事。務求成功。度量功勳。必功成乃善。故曰事以度功也。民不自治。立君牧養。作事成功。所以養食下民。故曰功以食民也。其意言在上位者

必有法則乃為養民之主。將言莠僕無可法則故言此以張本也。又作要言誓命以戒後人。曰有人毀法則者是為賊。言其賊敗法也。掩匿賊人是為藏。言其藏罪人也。竊人財賄謂之為盜。盜人器用謂之為姦。主為藏匿罪人之名。恃賴姦人所盜之用。為極大之凶德。有常刑無赦。其事在九刑之書。不遺忘也。以宣公容納莠僕為主藏。受其寶玉為賴姦。故舉此以極諫也。

○誓命至今亡。正義曰。昭六年傳曰。夏有亂政。而作禹刑。商有亂政。而作湯刑。周有亂政。而作九刑。三辟之興。皆叔世也。叔世謂衰世。世衰民慢。作刑。刑以督之。稱其創制。聖王以為所作之法。夏作禹刑。商作湯刑。則周作九刑。作周公之刑也。此云周公作誓命。其事在九刑。知自誓命以下皆九刑之書。所載也。謂之九刑。必其諸法有九。而九刑之書。今亡。不知九者何謂。服虔云。正刑一議。刑八。即引小司寇八議。議親故。賢能功貴。勤賓之辟。此八議者。載於司寇之章。周公已制之矣。後世更作何所復加。但所議八等之人。就其所犯。正刑議其可赦。以否。八者所議其

水火流

卷之二十一

刑

刑

刑

刑

刑

刑

刑

刑

刑

刑

刑



刑一也安得謂之八刑杜知其不可故不解之行父還觀莒僕莫可則也還猶周旋音旋孝敬忠信為吉德盜賊藏姦為凶德夫莒僕則其孝敬則弑君父矣則其忠信則竊寶玉矣其人則盜賊也其器則姦兆也兆域也保而利之則主藏也以訓則昏民無則焉不度於善度居也而皆在於凶德是以去之昔高陽氏有才子八人  
高陽帝顓頊之號八人其苗裔  
去起莒反顓音專顓許玉反裔以制  
高陽氏至苗裔正義曰先儒舊說及譙周反考史皆以顓頊帝譽為帝之身號高陽高辛皆國氏土地之號高陽次少昊高辛次高陽堯承高辛之後孔子之錄尚書自堯為始史籍之說皇帝其言

不經大戴禮五帝德司馬遷五帝紀皆言顓頊帝嘗代別一人春秋緯命歷序顓頊傳九世帝譽傳八世典籍散亡無以取信要二帝子孫至舜時始用必非帝之親子其八人者不能知其出生本系枝派遠近故畧言其苗裔耳蒼舒隤鼓檮戴大臨危降庭堅仲容叔達  
此即垂益禹臯陶之倫庭堅即臯陶字  
反一音五回反韋昭音魂檮直由反韋昭音桃戴以善反漢書作戴韋昭以震反危莫江反降下江反陶音  
此即至陶字正義曰司馬遷采帝系世本遙以為史記其夏本紀稱禹是顓頊之後秦本紀稱臯陶是顓頊之後伯益則臯陶之子垂之所出史無其文舊說相傳亦出顓頊故云此即垂益禹臯陶之倫也服虔云八人禹垂之屬也六年傳臧文仲聞六與蓼滅云臯陶庭堅不祀忽諸知庭堅臯陶為一人其餘則不知誰為禹誰為益故云之倫之屬不敢斥言也班固漢書有古今人表銓量古人為九等之  
反數五才  
○隤徒回



次雖知禹益必在八愷稷契必在八元不能識知其  
人不得自相分配故入元八愷與臯陶禹稷並不出  
其名亦為不知故也鄭玄註論語云臯陶為士師號  
曰庭堅杜云庭堅臯陶字者古人名之與字難得審  
知言字者明齊聖廣淵明允篤誠天下之民謂之八  
其是一人也

**愷**齊中也淵深也允信也篤厚也愷和也  
○愷開在反

**聖**齊聖至八愷○正義曰此并序八人總言其德或  
原其心或據其行一字為一事其義亦更相通齊

者中也率心由道舉措皆中也聖者通也博達眾務  
庶事盡通也廣者寬也器宇宏大度量寬弘也淵者

深也知能周備思慮深遠也明者達也曉解事務照  
見幽微也允者信也終始不愆言行相副也篤者厚

也志性良謹交游款密也誠者實也秉心純直布行  
貞實也以其德行如是天下之民為其美目謂之八

愷愷和也言其和於物也孟子曰伊尹聖人之和者  
也○**聖**齊中至和也○正義曰齊中釋言文允信篤

詰

厚釋註文愷訓為樂樂亦和也深水謂之淵故淵為深也  
**高辛氏有才子八人**

高辛帝嚳之號八人亦其苗裔  
○嚳苦毒反**伯奮仲堪叔**

**獻季仲伯虎仲熊叔豹季狸**  
**此即稷契朱虎熊羆**

之倫○奮甫問反熊音雄狸力之反契息列  
○此即至

之倫○正義曰契後為殷稷後為周史記殷周皆為  
帝嚳之後也此言伯虎仲熊尚書有朱虎熊羆二者

其字相類知此即稷契朱虎熊羆之倫也尚書更有  
夔龍之徒亦應有在元愷之內者但更無明證名字

又殊不知與誰為可故不復言之史記稷契皆為帝  
嚳之子而上句註云其苗裔者史記堯亦帝嚳之子

則稷契堯之親弟以堯之聖有大德之弟久而不知  
舜始舉用以情而測理必不然且云世濟其美其間

未必盡得其實世族譜取史記之說又從而譏之云  
及古閣



按蘇則舜之五世從祖父也而及舜共為堯臣堯則舜之三從高祖而妻其女此史記之疑者然則以其不可悉信故言忠肅共懿宣慈惠和天下之民謂之苗裔以該之

**八元**肅敬也懿美也宣徧也元善也音遍忠肅

元。正義曰此亦總言其德於義亦得相通忠者與人無隱盡心奉上也肅者敬也應機敏達臨事恪勤也共者治身克謹當官理治也懿者美也係已精粹立行純厚也宣者徧也應受多方知思周徧也慈者愛出於心恩被於物也惠者性多哀矜好拯窮匱也和者體度寬簡物無乖爭也以其德行如是天下之民為其美目謂之八元元善也言其善於事也論語曰善人為邦百年亦可以勝殘去殺矣肅敬至善也。正義曰肅敬釋訓文懿美釋詁文此十六族宣徧釋言文易文言曰元者善之長也

也世濟其美不隕其名濟成也隕隊也反隊直類

主

反此十六至其名。正義曰此十六人耳而謂之族者以其各有親屬故稱族也世濟其美後世承前世之美不隕其名不隊前世之美名言其世有賢人積善而至其身也劉炫云各有大功皆賜氏族故稱

以至於堯堯不能舉舜臣堯舉八愷使主后土

**后土地官**禹作司空平水土即土地之官土至

之官。正義曰后訓君也天稱皇天故地稱后土舜典云伯禹作司空呂刑云禹平水土則禹是土地之官故云主

以揆百事莫不時序地平天成揆度也

成亦平也揆反。以揆至天成。正義曰用禹為事無不揆度於是皆有次序得地平其化天成其施言有成功也。揆度至平也。正義曰揆度釋言文度百事者令之豫自籌度為之數量法制事成則平其可否使之總眾務也地平天成大禹謨之文孔



安國云水土治曰平五行敘曰成釋

註云成平也是成亦為平其義一也

**舉八元使布五**

**教于四方**契作司徒五教在寬故知契在八元之

中契斯契作至之中正義曰舜典云帝曰

五教在寬尚書契敷五教此云舉八元使布五教以

此故知契在八元中也然則尚書禹作司空此云舉

八愷使主后土以此亦知禹在八愷中也但不知八

愷之中何者是禹八元之中何者是契耳主后土布

五教是事之大者故舉以為言非是各令八人共主

一事故主土唯禹主教唯契餘當別有所主或助而

為之尚書稱益佐禹父義母慈兄友弟共子孝內平

外成內諸夏外夷狄夏戶義曰一家之內父

母兄弟子尊卑有五品父不義母不慈兄不友弟不

共子不孝是五品不遜順也故使契為司徒布五教

於四方教父以義教母以慈教兄以友教弟以共教

子以孝是之謂五教此五教可常行又謂之五典也

諸夏夷狄皆從其教是為內平外成所管帝鴻氏有

不才子帝鴻黃帝掩義隱賊好行凶德醜類惡物

頑嚚不友是與比周醜亦惡也比近也周密也

呼報反嚚魚中反心不則德義之經為天下之民謂

之渾敦謂驩兜渾敦不開通之貌徒本反驩呼端

反兜都隱蔽其外而陰為賊害也其有凶醜之類

穢惡之物心頑而不則德義之經口嚚而不道忠信

之言如此惡人不可與之親友者此不才子於是與

之相附近相親密言惡人所愛愛同已者也以其為

惡如是故天下之民為之惡目謂之渾敦渾敦不開



通之貌言其無所知也。服虔用山海經以為驩兜人面馬喙。渾敦亦為獸名。醜亦至密也。正義曰：醜亦惡也。物亦類也。指謂惡人等輩重復而言之耳。比是相近也。周是親密也。唯是親愛之義非為善惡之名。論語云：君子周而不比，小人比而不周。以君子小人相對，故鄭玄云：忠信為周，阿黨為比。觀文為說也。謂驩至之貌。正義曰：此傳所言說虞書之事。彼云：四罪為共工，驩兜三苗，鯀也。此傳四凶乃謂之渾敦、窮奇、檮杌、饕餮，檢其事以識其人。堯典帝言共工之行，云：靖言庸違，傳說窮奇之惡。云：靖，諧庸回。二文正同，知窮奇是共工也。堯典帝求賢人，驩兜舉物是與比。周知渾敦是驩兜也。堯典帝言鯀行，云：弗哉，方命圯族，傳說檮杌之罪。云：告頑舍鬻，做很明德。即是弗戾圯族之狀。且鯀是顛頊之後，知檮杌是鯀也。尚書無三苗罪狀，既甄去三凶，自然饕餮是三苗矣。先儒盡然，蓋無異說。皆以行狀驗而知之也。莊子稱南方之神，其名為儵，北方之神，其名為忽，中央之

神，其名為混沌。混沌無七竅，儵忽為鑿之，一日為一竅，七日而混沌死。混沌與渾敦字之異耳。莊子雖則寓言，要以無竅為混沌，是渾敦為不開通之貌。此四凶者，渾敦、檮杌，以狀貌為之，窮奇、饕餮，以義理為之。名古人之意，自異耳。服虔案：神異經云：檮杌狀似虎，毫長二尺，人面虎足，猪牙，尾長丈八尺，能鬪不退。饕餮獸名，身如牛，人面，目在腋下，食人。少皞氏有不才子，少皞，金天

氏之號，次黃帝。少皞，胡老反。正義曰：金天國號。

少皞身號譙，周云：金天氏能修大皞之法。故曰：少皞也。其次黃帝，則昭十七年傳有其事。毀信廢

忠，崇飾惡言，靖諧庸回，服讒蒐慝，以誣盛德。崇聚

也。靖，安也。庸，用也。回，邪也。服，行也。蒐，隱也。慝，惡也。盛

德，賢人也。蒐，蒐所畱反，慝，他。毀信至盛德。正義曰：毀信者謂信不足，得反邪似差反。

水火流 卷之二十三 及古閣



行毀壞之也。廢忠者謂忠為無益廢棄之也。以惡言為善尊崇修飾之安於讒譖信用回邪常行讒疾陰隱為惡以誣罔盛德之賢人也。天下之民謂之窮奇言其行窮困所好奇異也。崇聚至人也。正義曰釋詁云崇克也舍人曰威大充盛大亦集聚之義故崇為聚也庸用靖安回邪慝惡常訓也服從是奉行之義也蒐索隱伏是蒐得為隱也服虔亦以蒐為隱隱慝謂陰隱為惡也成德謂成就之德故為賢人也定本成天下之民謂之窮奇謂共工其行窮其德為盛德。好奇○奇其宜反共音恭。謂共至好奇○正義行下孟反好呼報反。曰孔安國云共工官稱也其人為此官故尚書舉其官也行惡終必窮故云其行窮也好惡言好讒慝是所好奇異於人也。顛項有不才子不可教訓不知話言。話善也。快反。告之則頑。德義不入心舍之則鬻。不道忠信舍。

音傲很明德以亂天常天下之民謂之禱杙。謂絲

禱杙頑凶無儔匹之貌。○傲五報反很戶壑反禱徒

此三族也世濟其凶增其惡名以至于堯堯不能去

方以宣公比堯行父比舜故言堯亦不能去須賢

臣而除之。○去起呂反。宣公不能去莒僕而行父

能去之恐宣公以不去之為恥行父以去之為專史

克方以宣公比堯行父比舜故言堯朝有四凶堯亦

不能去須賢臣而除之所以雪宣公不去之恥解行

父專擅之失也然則聖主莫過於堯任賢王政所急

大聖之朝不才總萃雖曰帝其難之且復何其甚也

此四凶之人才實中品雖行有不善未有大惡故能

仕於聖世致位大官自非聖舜登庸大禹致力則滔

天之害未或可平以舜禹之成功見此徒之多罪勳

水火流



人

業既謝，愆孽自生，為聖所誅，其咎益大。且虞史欲盛章舜德，歸罪惡於前人，史克以宣公比堯，同四凶於莒僕，此等並非下愚，未有大惡，其為不善，唯帝所知。尚書將言求舜，以見帝之知人，此傳安慰宣公，故言堯不能去，辭各有為，情頗增甚。學縉雲氏有不才子者，當以意達文，不可即以為實。

**縉雲黃帝時官名** 縉雲至官名。正義曰：昭十七年傳稱黃帝以雲名官。

故知縉雲黃帝時官名字書縉赤繒也。服虔云：夏官為縉雲氏。 **貪于飲食，冒于貨賄。**

**侵欲崇侈，不可盈厭。聚斂積實，不知紀極。不分孤寡。**

**不恤窮匱。** 冒亦貪也。盈滿也。實財也。厭於豔反。賈其媿反。

**天下之民，以比三凶。** 皆賄。正義曰：鄭註周禮云：金玉曰貨，布帛曰賄。

非帝王子孫，故別以比三凶，謂之饕餮。 貪財為饕餮。

**貪食為饕。** 饕他刀反。饕他結反。

**舜臣堯。** 為堯臣。然傳為堯臣。年傳稱王臣公、公、臣、大夫。

謂王以公為臣，公以大夫為臣，皆是上臣下也。而此云舜臣堯，謂為臣以事堯，乃是下臣上也。文同義異，意足相顧，故辯。

**賓于四門。** 闢四門，達四聰，以賓禮之。云為堯臣。

眾賢。 闢婢亦反。聰本亦作窻。七工反。

舜典下文云：闢四門，明四目，達四聰，言開闢四方之門，未開者，廣視聽於四方，使天下無壅塞，亦是賓禮眾賢之事，意同於。

**流四凶族。** 案四凶罪狀而流放上，故引以解之。

**之渾敦窮奇，檮杌饕餮，投諸四裔，以禦魑魅。** 投棄也。裔遠也。放之四遠，使當螭魅之災。螭魅山林異氣。



所生為人害者

○禦魚呂反螭救知反山神獸形魁亡備反說文作魁云老精物也魁或

從未

**舜**

投棄至害者○正義曰投者擲去故為棄也舜典云流共工于幽州放驩兜于崇山竄三苗

于三危殛鯀于羽山四罪而天下咸服孔安國云幽

州北裔崇山南裔三危西裔羽山東裔在海中是放

之四方之遠處螭魅若欲害人則使此四者當彼螭

魅之災令代善人受害也宣三年傳王孫滿說九鼎

云鑄鼎象物百物而為之備民入川澤山林不逢不

若螭魅罔兩莫能逢之知螭魅是山林異氣所生為

人害者也是以堯崩而天下如一同心戴舜以為天子以

其舉十六相去四凶也故虞書數舜之功曰慎徽五

典五典克從無違教也

○徽美也典常也此八元之功○戴多代反相息亮反下註同去起呂反數色主反徽許歸反曰納于百揆百揆

時序無廢事也

**舜**

此八愷之功曰賓于四門四門穆

穆無凶人也

**舜**

流四凶

**舜**

故虞至人也○正義曰此虞書舜典之篇也三事六

何舜典本文其云無違教也無廢事也無凶人也是史克解虞書之意也每引一事以一句解之故每事

言曰舜有大功二十而為天子

今行父雖未獲一吉人去一凶矣於舜之功二十之

一也庶幾免於戾乎

行父之志故其言美惡有過辭蓋事宜也

○激古

史克至宜也○正義曰宣公貪寶玉而受莒僕為惑已大行父違君命而逐出之其專已甚故史克激揚而言舜之事堯以辨宣公之惑以解行父之志方欲盛談善惡說事必當增甚故其言美惡有大過之



辭言美則大美言惡則大惡禹則鯀之子也說禹則云世濟其美言鯀則云世濟其凶明其餘亦有大過非其實也蓋事勢宜然耳何休以為孔子云蕩蕩乎堯之為君唯天為大唯堯則之今如左氏堯在位數十年久抑元愷而不能舉養育凶人以為民害而不能去則孔子稱堯虛言也桀紂為惡一世則誅四凶歷數千歲而無誅放易云積不善之家必有余殃虛言也左氏為短但堯之為君能舉十六相去四凶凶之人未必世濟其惡但史克欲明行父之志欲辨宣公之惑故美惡過辭具於此註何休之難不足疑也

○宋武氏之族道昭公子將奉司城須以作亂  
 文公弒昭公故武族欲因其子以作亂司城須文公弟○宋武氏之族本或作武穆之族者後人取下文妄加也道音導 十二月宋公殺母弟須及昭公子使戴莊桓之族攻武氏於司馬子

伯之館註戴族華樂也莊族公孫師也桓族向魚鱗

蕩也司馬子伯華耦也○向舒亮反遂出武穆之族註穆

族黨於武氏故使公孫師為司城註公孫師莊公之

孫公子朝卒使樂呂為司寇以靖國人註樂呂戴公

之曾孫為宣三年宋師圍曹傳註樂呂戴公會孫

戴公生樂甫術術生碩甫澤澤生夷父須須生大司寇呂今云曾孫誤也







